



Broj: 16-12-16-2531- 9 /20  
I. Sarajevo, 28.05. 2020. godine

Na osnovu člana 10. stav (1) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije I za nabavke za potrebe Državne agencije za istrage i zaštitu u 2020. godini, broj 16-12-16-2531/20 od 21.05.2020. godine, u postupku javne nabavke auto guma za potrebe Državne agencije za istrage i zaštitu, zamjenik direktora Državne agencije za istrage i zaštitu, d o n o s i

### ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku auto guma za potrebe Državne agencije za istrage i zaštitu

#### Član 1.

Prihvata se preporuka Komisije I za nabavke za potrebe Državne agencije za istrage i zaštitu u 2020. godini broj 16-12-16-2531/20 od 21.05.2020. godine i okvirni sporazum za nabavku auto guma za potrebe Državne agencije za istrage i zaštitu na period od dvije godine dodjeljuje se:

- Ponuđaču "EURO DAM-JAS" d.o.o. Lukavac, ponuda broj 16-12-16-2531-4/20 od 08.04.2020. godine, za ponuđenu cijenu 16.960,00 KM bez PDV-a.

#### Član 2.

Ponuđač iz člana 1. ove odluke obavezan je ugovornom organu, u roku od pet dana od dana prijema ove odluke, dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva (original ili ovjerena kopija).

#### Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

#### Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

#### Član 5.

Ova odluka stupa na snagu danom donošenja.

## Obrazloženje

Odlukom broj 16-12-16-2531-1/20 od 24.03.2020. godine pokrenut je postupak javne nabavke auto guma za potrebe Državne agencije za istrage i zaštitu (u daljem tekstu: Agencija) procijenjene vrijednosti 18.000,00 KM bez PDV-a, za period od dvije godine. Novčana sredstva za realizaciju navedene nabavke osigurana su u okviru budžetskih sredstava za 2020. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar-mart 2020. godine („Službeni glasnik BiH“, broj 6/20) i Dokumenta okvirnog budžeta 2020.-2022. godina.

Predmet javne nabavke su ljetne auto gume.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija I za nabavke za potrebe Agencije u 2020. godini (u daljem tekstu: Komisija) dostavila je Izvještaj o radu broj 16-12-16-2531/20 od 21.05.2020. godine sa preporukom o izboru najpovoljnijeg ponuđača u postupku javne nabavke auto guma za potrebe Agencije.

Tačkom 6. Konkurentskog zahtjeva navedeno je da je rok za dostavljanje ponuda 10.04.2020. godine do 13,00 sati, te da se ponude dostavljaju u zatvorenoj koverti, te je Komisija u skladu sa tačkom 7. Konkurentskog zahtjeva dana 10.04.2020. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene četiri ponude i to:

R.br.	Naziv ponuđača	Ponuđena cijena u KM (bez PDV-a)
1.	"EURO DAM-JAS" d.o.o. Lukavac	17.999,36 KM
2.	"GUMA M" d.o.o. Mostar	17.998,40 KM
3.	"UNITRADE" d.o.o. Ljubuški	17.993,58 KM
4.	"AUTOCENTAR-MERKUR" d.o.o. Banja Luka	17.992,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja njihove prihvatljivosti u smislu Pravilnika, te kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda Komisija je utvrdila da ponuđači "EURO DAM-JAS" d.o.o. Lukavac, "GUMA M" d.o.o. Mostar, "UNITRADE" d.o.o. Ljubuški i "AUTOCENTAR-MERKUR" d.o.o. Banja Luka ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila da navedeni ponuđači ispunjavaju formalno-pravne uslove iz Konkurentskog zahtjeva, te da ne uživaju preferencijalni tretman domaćeg.

U cilju ocjene tehničkih uslova navedenih u Konkurentskom zahtjevu, Komisija je od Sektora za materijalno-finansijske poslove aktom broj 16-12-16-2531/20 od 12.05.2020. godine, tražila da na osnovu uvida u pristigle ponude, dostavi detaljno stručno mišljenje po

pitanju zadovoljavanja tehničkih uslova iz Konkurentskog zahtjeva. Sektor za materijalno-finansijske poslove je aktom od 13.05.2020. godine, utvrdio da ponude ponuđača "EURO DAM-JAS" d.o.o. Lukavac, "GUMA M" d.o.o. Mostar, "UNITRADE" d.o.o. Ljubuški i "AUTOCENTAR-MERKUR" d.o.o. Banja Luka zadovoljavaju tehničke uslove postavljene Konkurentskim zahtjevom.

Obzirom da je Konkurentskim zahtjevom predviđeno da se za postupak javne nabavke ljetnih auto guma za potrebe Agencije provodi e-aukcija, Komisija je za prihvatljive ponude ponuđača "EURO DAM-JAS" d.o.o. Lukavac, "GUMA M" d.o.o. Mostar, "UNITRADE" d.o.o. Ljubuški i "AUTOCENTAR-MERKUR" d.o.o. Banja Luka zakazala e-aukciju dana za dan 20.05.2020. godine sa početkom u 11,00 sati, u trajanju od 15 minuta.

Prema Izvještaju o toku i završetku e-aukcije, konačna rang lista ponuđača koji su učestvovali u e-aukciji je sljedeća:

R.br.	Naziv ponuđača	Ponuđena cijena u KM (bez PDV-a)
1.	"EURO DAM-JAS" d.o.o. Lukavac	16.960,00 KM
2.	"UNITRADE" d.o.o. Ljubuški	16.980,00 KM
3.	"AUTOCENTAR-MERKUR" d.o.o. Banja Luka	17.000,00 KM
4.	"GUMA M" d.o.o. Mostar	17.998,40 KM

Shodno Izvještaju o toku i završetku e-aukcije, odlučeno je da se okvirni sporazum za nabavku ljetnih auto guma za potrebe Agencije na period od dvije godine dodjeli ponuđaču "EURO DAM-JAS" d.o.o. Lukavac, a kako je navedeno u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 4x;
- Sektoru za mat.-fin. poslove;
- a/a.

ZAMJENIK DIREKTORA  
GENERALNI INSPEKTOR POLICIJE

